

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第三〇冊

補編第三十冊目次

古今濡削選章四十卷(二)

〔明〕李國祥輯
清華大學圖書館藏明萬曆刻本

一

述本堂詩集十八卷續集五卷

〔清〕方登嶧 方式濟 方觀承撰
遼寧大學圖書館藏清乾隆三十年桐城方氏刻本

二五三

瑞竹亭合集二卷附文一卷詩一卷

〔清〕王愈擴 王愈融撰
江西省圖書館藏清光緒三十一年刻本

六〇八

古今濡削選章四十卷(二)

〔明〕李國祥輯

清華大學圖書館藏明萬曆刻本

附《四庫全書總目·古今濡削

選章四十卷》提要

古今四六濡削選章卷之三十

豫章李國祥休徵父選注

友人蔣賡明舜卿父校閱

王府

祥考太古顓蒙之民榛榛狉狉慮相妨害也就其能萃能群者而君之宗之成聚成邑成都成圻而封建昉焉人皇業分九區軒后復分州畫野並建萬國惟是唐虞以來執玉帛者萬國成周選建明德以爲藩屏封國數百而同姓五十有餘周公制禮綱維其體統浹洽其恩意而彌

古今濡削選章

卷之三十

縫其闕者慕備而至詳總之公侯伯子男爵凡五等而封疆有百里七十里五十里之殊耳周衰諸侯互相吞滅而列國漸耗其見于春秋經傳者僅百有七十國而五伯總其盟會時并兼焉陵夷至于戰國天下并而爲七合從連衡者數十百年終周之世號位已絕于天下而枝葉相持猶莫得居其虛位也秦并天下嫪笑三代盪滅古法尊爲皇帝而子弟爲匹夫內無骨肉本根之輔外無尺土藩翼之衛譬支刈股肱獨任胷腹觀者寒心故周過其歷而秦不及期焉

漢興列土序二等之封功臣侯者百有餘邑尊王子弟大啟九國蓋天下甫定同姓者少不得不廣疆庶孽賴以承衛天子也其後諸侯王以連城數十地方千里緩則驕奢易爲淫亂忽則阻其疆而合從以逆京師以法割削則萌逆則首禍相乃詔諸侯王欲推私恩分子弟國邑爲之臨定其號名於是齊分爲七趙分爲六梁分爲五淮南分爲三及天子支庶子爲王子子侯百有餘焉大國不過十餘城小侯不過數十里而漢郡八九形錯諸侯間大牙相臨疆幹弱枝之勢也故諸侯不擅土力大屈漢法又益峻深故哀平時諸侯皆繼體苗裔親屬疎遠王莽乘其中外殫微因母后之權不降階序而竊有天下分遣五威以班符命漢諸侯王崩角稽首上璽駭惟恐後甚至稱頌求容焉光武興復宗統封爵廣地後復去王稱公公支庶子爲侯疏者鄉侯亭侯祿給既不侈縱而復尊經受學鮮有禍敗且東平以將軍居巢以大尉子以司空並列三公親賢並建亦猶行古之道也魏疎骨肉爵王惟寄空名慶吊問遺一切禁之不知枝繁

者蔭根條落者本孤而司馬氏竟代魏不知王色也晉懲魏建王公侯伯子男六等之封大國三軍五千人次國二軍三千人小國一軍千二百人其後猜嫌互起不安分局四夷乘亂爲變于外而晉祚不延矣宋齊梁陳以後代禪惟逞伎害子孫復各自相屠至乞爲奴緩須臾無死不可得也唐興廣封宗室以填天下封王宗子衆謂不便遂以服屬差次降郡公縣侯惟有功者數人得王已定制皇兄弟皇子皆封國曰親王世嗣王府各置官屬皇太子諸子封郡王親王諸子功業特盛者亦封郡王次者國公次郡公又次縣公縣侯縣伯縣子縣男凡九等無官土加實封者則食其地以租調給宋本漢非劉氏不王之制皇之共親爲王其次屬近行尊者止封郡王而已若皇子出閣亦封郡王及納妃外第始封真王然皆無爵土之封郡王公獨空銜無足爲屏翰繫而祿賜彌不給且踵唐制不出閣聚京師睦親宅敦宗院並設焉靖康之難大宗之子孫在京師者畢北遷惟大祖子孫以散處得全完顏亮南侵宗室在北者畢殲無自

脫者而不出閣之禍極于此南渡後江寧江西
揚泰高郵泉福等州各置外敦宗院尋又立敦
養選舉宗子之法終宋無分封用自承明後至
航海始議分一王于閩廣崎嶇以圖存不已晚
乎我

大祖定天下之三年詔封 皇子十人爲王諸儀衛
規制下

天子一等歲祿多者至五萬石金冊金寶 親王之

子封郡王歲祿二千石金冊銀印俱嫡長襲
郡王諸子爲鎮國將軍祿千石孫爲輔國將軍

東漢前漢書卷之三十一

四

祿八百石魯孫爲奉國將軍祿六百石代而

爲鎮國中尉輔國中尉奉國中尉郎屬籍最疎
遠者皆得封奉國中尉祿二百石無不封與祿

者然 親王郡王祿給多寡出一時權制無常
殺封 皇女公主尚附馬都尉而 親王郡王

將軍中尉女有郡主縣主郡君縣君鄉君之號
尚儀賓從二品而遞降爲諸冊封及宮室婚姻

喪葬諸鉅費咸仰給于 縣官常是時
太子都金陵去塞垣遠且萬里近且數千里虜出沒

塞下難制於是酌周漢故諸王之封亘亘于二

垂

成祖王燕天險地利甲天下而北平以東歷魚陽盧

龍出喜峰包大寧控存塞山戎爲寧王度淪關
跨遼東並海被朝鮮開原許通市京北夷爲遼

王北平西接古北口瀕於雍河中更上谷雲中
鞏居庸蔽雁門爲裕王沿雁門而南表裏山河

大原其都會也爲晉王逾河而西歷延慶薊靈
又逾河保寧夏倚賀蘭爲固爲慶王兼救隴之

險理周泰都圻牧圻之地直走金城爲秦王金
城西渡河領張掖酒泉諸郡西局嘉峪護西域

東漢前漢書卷之三十一

五

爲肅王九王者皆近塞皆備邊皆傳以元侯擁

以宿將得專制其國中兵車城郭崇重擬
天子而周王封於開封齊王封于汴州譚王封於長

沙楚王封于武昌魯王封于兗州蜀王封于成
都湘王封于荊州岷王封于寶慶韓王封于開

原滿王封于潞州安王封于平涼唐王封于南
陽鄂王封于安陸伊王封于河南谷王封于宣

德皆于並列內郡各專國擅兵蓋草昧利于建
侯板蕩維于宗子亦其勢也譚王方之國趙王

未之國皇子楠未得封似無子早卒而齊谷俱

為庶人周以杭州改開封肅以其州徙新州遼
以廣寧徙荊州慶以慶陽徙章州又徙寧夏寧
以大寧徙南昌後除庶人岷以興州徙雲南又
徙武岡谷以宜德徙長沙韓以開原改平京
太祖所封除 懿文太子與

成祖靖難共二十四國而從孫靖江王封桂林者與
焉 懿文太子子封慶王封吳王封衡王封徐
王俱永之國建文大子少子俱未受封無子蚤
卒惟少子璉為建庶人者幽中都廣安宮至

英宗始出於鳳陽

卷之三

六

成祖封漢王國雲南徙樂安州趙王國彰德因皇子

未封而漢王除庶人

仁宗封鄭王國鳳翔改懷慶襄王國長沙改襄陽割

王國建昌改新州准王國韶州徙饒州新越

梁衛五王無子早卒

英宗封德王國濟南崇王國汝寧吉王國長沙徽王

國禹州榮許秀忻四王無子蚤卒

憲宗封興王國安陸益王國建昌衡王國青州榮王

國常德

世宗以興入承大統而岐雍涇申壽汝無子國除也

孝宗封蔚王早夭

世宗封景王國德安無子國除

穆宗封 路王國衛輝 國家十餘朝封建親王者

五十餘國而今存者三十餘國中尚有寧遠徽

伊虛無王也郡王則四百有奇而將軍而中尉

又不啻數萬計真土地稅入不能加多而宗室

子孫日益繁衍則宗室之困日甚生民供億日

難事勢有愈不可為者大明會典一款親王子

孫才堪出任宗人令具以名聞授任後俱如常

選法轉調

卷之三

七

太祖未嘗不許宗人出仕也宣德初漢庶人反當時

大臣倡為疎忌宗室之說廢出仕之令夫禁其

出仕不得隨職受祿而仰食有司昔以一郡而

供一王今以一郡而供數千百人矣惟是宗室

重祿仰哺待永日昃躬焉而卒莫之與又為厲

禁俾不得從農商之業其賢者又不得借寒士

從有司之薦園之一城之內至併室而姓經者

有之矣易名姓而為所不可為者有之矣故有

司見宗室之困勢不能念民見民之苦勢又不

復能念宗室二者交戰而技窮也為今計無如

自將軍以下少裁其祿數而務實其惠中尉以下母賜爵祿而實其禁使其賢者得與寒士角長而受任其不肖者從事于南畝以其力周其身而官弗與焉庶乎其個可支也

賀定安王

宋馬 駢

帝庭敷號王社疏恩褒功而勞使臣方進蓬山之首崇德以固宗子遂開涇水之封播告邇遐聳動觀聽竊以漢興中天二百載業既隆長周封同姓五十餘族方敦叙庸有維城之傑蔚爲祭酒之尊恭惟某官胄出神明任更師帥屏膏粱之習蕭然有寒士之風

東漸開運章

卷之三

八

賀景獻郎千秋

宋方 岳

天潢毓秀宗祏流輝駕鶴而朝中元先校長生之籙牽牛而臨七夕已傳乞巧之文併借良辰誕彌厥月某官謙以自牧卓爾不羣鍾鼎神堯之子孫了無貴介冠冕宗周之族姓雅有好修蓋其稟間氣於長庚

固已得異書於太乙錫之難老儀我睦親某叨與講論竊羨贊頌富貴莫如進德尚迪前人之光清淨可以延年是爲仁者之壽

賀景獻郎冬

宋方 岳

一陽萌動縱室春浮萬象張開潘房天近有偉亨嘉之會聿開剛長之期某官自牧以謙不遠而復溫其趙日歛爲可愛之易和倬彼魯雲要是太平之瑞氣對天之佑與國同休某近別講臺遙瞻宗翰景長宮壁喜添一卷之書暖入圭躔茂錫百朋之祉

賀嗣秀王元旦

宋方 岳

東漸開運章

卷之三

九

斗擣龍角又頒羲仲之春雪滿兜門請賦梁王之壽恭惟某官宗藩明德政路崇班慶襲璿源默膺璿璣之運實分玉帶益調玉燭之和宜從桃萼之辰不介椿松之祉某愧無善頌可賀履端曳鄒陽之裾方規旅進授司馬之簡更佩謙光

賀魯王元旦千秋

明于慎行

伏以內三成泰弘開萬象之春得一爲元茂祝千齡之筭東風入律南極呈輝恭惟殿下地重親賢德隆藩輔州分海岱郊青帝以迎年國應奎婁轉旋儀而得歲丕膺純嘏懋對昌期將臨獻綵之辰適值懸弧

之誕日躔初度十二月成物以周天帝與仙齡八千
歲爲春而始旦紀夏正而四時肇序考魯頌而三壽
作朋某也幸列華封久依大厦望青陽之左个莫稱
玉殿之觴慶紫府之長春願數瑤階之笑恪陳鄙頌
仰祝蕃禧伏冀睿慈俯垂電灼

賀藩王元旦

明李國祥

伏以斗柄回春韶景煜金枝千葉畫交開泰榮光浮
玉水萬流豈來空翠千管絃實滿菁華于鉛槧輝添
園月色改軒霞恭惟殿下卓爾不羣居然大雅感精
大乙奪魄長庚上夜黎然秘學益浚于醞藉元正椒

東漸則進章

卷之三十

十

頌蕃釐載錫以駢臻仙李蟠根襲芳華于高桂水壺
澈露淪煖氣于遙漢文章攄太白之瑰奇氣節凜朱
虛之耿介詎見聞洽鴻寶之訣抑信厚得麟趾之祥
此宜福與春偕而壽同日引者也某材原枯朽官復
冰寒瞻芝蓋方輿就煖拜瑤函倏載分甘洵有脚陽
春施惟不擇乃無塵感印積而愈新傾寫消埃圖稱
岳海伏願日華春色長爛晃于東蒙益祈桐葉雲仍
永藩屏乎北薊

賀淮王壽

明支大綸

伏以謨貽燕翼傳青社于維翰之邦慶衍龍圖介繁

社于神明之曹靈符炳煥皇序延長瑞協天樞歡騰
帝里恭惟 殿下瑤牒奇英僊宗領袖夙藉可制

之緒允承訓梓之規自訟名聲遠追宣間之德
有室近同宗會之賢惟日躔於大采廻律回於姑洗
桐華始發實葉三飛值初度之靈均協嘉名之正則
陋謝椽擁旆之貴富宣尼不惑之年佳氣旋陽炯炯
叶西庚之吉璇光貫月耿耿燭南極之芒行見花萼
樓前茂本支於百世粉榆社內展寶玉於長春某謬
縮金章偕陪珠履欣棠棣之華華爰祝松年見麟趾
之詵詵永期鶴算惟冀凝神樂善雅意親賢念一人

東漸則進章

卷之三十

十一

水木之宗惟忠惟孝肇萬年磐石之固如岡如陵

賀淮王年

明支大綸

恭惟 殿下者伏以玉曆春回瑤圖日麗泰道應
三陽之會履端迎百福之祥瞻兔死以馳神心深燕
賀奉椒盤以獻歲術阻晃趨肅將二盃之儀少效六
符之祝

賀襄王午節

明馮時可

伏以金縷應晨長發之祥方茂綵絲表節太平之運
綦隆五葉寶開映徽圖而並爛九畦蘭浴流翠幄而
爭芳瑞繞非烟驪騰披霧恭惟 殿下學隆三寶

長篇樂事無窮良辰不盡其心切梁臺身賜漢節巫
山六六覓隨玉鏡同飛蓬島三三心與紫蕭俱遠謹
修薄獻併致離衆望望長堤神女之珠誰覓依依中
峴楚王之對初成

賀襄王重九

明馮時可

伏以天成九數日月並應嘉名王享千秋乾坤適逢
茂節丹楓如錦綠醅成醇米邸之樂事無涯清江之
秀色在望恭惟 殿下靜觀笑道佳興同人忻逢

無射之時不問未央之夜臺雄戲馬樂設六羽三金
館駕凌駕侍有十眉雙帶氣盈瑞腦和爽氣以浮杯

東瀛集卷之二十二

十二

悽惻鯢絃隨金殿而布響佩囊誰客落帽何人某飲
德不貲委心無量葉飛楚水思隨高鴈齊翻草折梁
園身與寒花共瘦何當奉清遊而陪後乘聊且具薄
獻以勞前驂伏望齊鵲算以重重協龍鱗而九九黃
鸝西進不愁地老天荒白苧歌懽誰知雲悠風厲某
不勝忻躍瞻仰之至

賀襄王年節

明馮時可

五木香浮喜逢元會之日七松藥薦欣瞻正始之朝
名納千祥蠲除百疾恭惟 殿下配命求福養素
孚神堯年之日舒以長優游雅樂魯侯之福昌而熾

氣備四時金聲夙振於青閣玉版久頒乎彤閣神遊
姑射清心不夢巫山問道員茨詞源直領漢水喜逢
當年之節正值開甲之年鸞輿覓以當陽虹旆儵其
旭日惟城惟翰辟兵不假靈符爲龍爲光禳災無藉
桃印龐祚占其彌固麟趾所以興歌時可夙慕圭璋
新瞻斧藻望東平之翳輶不啻鴛鴦之希沃若慕臨
淄之詞翰真若潢汙之願朝宗敢薦蒲觴聊申芹獻
日長十宅釐祝與渡歌俱喧天迎五龍寵命齊沉碎
不朽千里風雲之俗盡暢南薰三楚水陸之途咸瞻
北斗

東瀛集卷之二十一

十三

賀襄王中秋

明馮時可

伏以白露迎寒佳期逢三五之夕金猊御歲茂祉慶
百千之秋漢江之草未衰洞庭之葉初下高風滌暑
商氣清溫月滿桂輪萬里披開雲障星聯珠絡九霄
架出瓊宮恭惟 殿下樂善自寡虛懷與虛宇同
廓對時爲適素酌共素節相清富九秋之正中日遷
行以改轡值午夜之方永閣延路以添更泮渙有怡
淨胸懷而朗朗優游多暇益腰腹以便便露滴蟾蜍
墨潤氷文之藹涼生翡翠香消蠶字之魚若乃西園
蓋飛一時傾公子之雅興南皮席設四座寫騷客之

泮渙名園神水黃柑酒如洞庭春色葭灰金管氣若
峴麓晴霞朱戶肅清不煩鑄金之鳥鴻基望固吳取
膠牙之餉方且賞七子之賦而逸暇無期自此服八
公之方而胥樂有穀某荒城株守未能化鵠來朝一
水魚傳竊爾貽椒成頌伏願歲歲鏤五色之土畢萬
成書年年飛三素之雲則百應兆

賀益王冬至禮

明支大綸

伏以壽臺望氣知福履之頻添段管回陽美泰階之
寢長德適百福祥叶五雲恭惟 殿下僊宗大雅天
統延禧允懷德以維寧信爲善而最樂當此書雲之

東瀛制選卷之三十一

十四

佳序願修獻履之常儀況在中秋嘗叨著錫比對使
緘詞既薄言而完璧乃妄官誤入幾以指而投珠珍
覲久虛塵踪頻隔謹因亞歲之獻并歸西舍之封倘
賁不恭實銘汪度遙瞻克允托魚旌

賀鄧城王壽

明馮時可

伏以萬寶功成千秋筵啓紫英進卻邪之颯黃英舉
難老之鴈一國騰耀三峴生色恭惟 殿下錦腸繡
腹玉色金聲鴈序克恭乎賢兄烏哺隆養於詩母新
調國色大協人情茲當同懷之時望來食菊之宴
來座南山新賦鄒枚玉露無轉東風遙祝同結不
仰德有奉應教未期謹具下牒之儀用致無疆之福

謝竟陵王示扇

齊王融

竊以六翮風流五明氣重若此圓綺有兼玩寶輕踰
雪羽絮並霜文子淑賞其如觀班姬儷之明月豈直
魏王九華漢臣百綺况復動製聖衷垂言炯戒載奉
聽眎式範樞機

謝趙王賚犀帶金錢

梁庾信

某啓奉教垂賚犀裝帶錢十貫魏君寶帶特賜劉楨
趙王國租偏資裴楷貫藏文馬如燒安息之銀帶插
通犀似獵雲南之獸北郭騷之長貧是所并愜南宮
敬之載寶殊非念望花開四照唯見其榮鑑戴三山

東瀛制選卷之三十一

十五

深知其重昔沈義將盡逢司命而還生士燮行終值
仙人而更活今日慈矜斯之謂矣馬前驅而導路或
似識恩鷄未曉而開關容能報王

謝趙王賚絳布

梁庾信

某啓奉教垂賚絳色絳布三十段去冬凝閑今春嚴
勃霞似瓊田凌始鹽浦張超之壁未足障風袁安之
門無人開雪覆鳥毛而不暖燃獸炭而逾寒遠降聖
慈曲垂矜賑諭其蠶月始聲桑車津實秉 幾空織
室途令新市數錢息疑敗絳平陵月夜驚聞 情衣妾
遇新縑自然心伏妻聞裂帛方當含笑莊周車轂寶

有涸魚信陵鞭前元非窮鳥仰蒙經濟伏荷茂慈

謝趙王齊馬并微

梁庾 信

某啓奉教垂鑒紫驕馬并銀缸乘且紫紉繳一張上天降雨特垂濫澤若水流光偏蒙私照迴茲翠蓋事重劉基之恩降此青驪榮漢李忠之賜止部丹帷便瀕高捲西河竹馬卽已郊迎在命之輕鴻毛浮於弱水知恩之重龜背負於靈山况復驚鴻別水但見徘徊黃鶴去關唯知反顧樓戀之心事同於此

謝趙王齊米

梁庾 信

某啓奉教垂鑒米十石丹鳥御稊既集西周黃雀隨

京蒲則連章卷之三十一

十六

車還飛東市漬而爲種不無霜雪之精取以論兵卽有山川之勢某陋巷簞瓢柳風沐雨剥榆皮於秋塞掘螯鷺於寒山仰費國租途開塵甑非丹竈而流珠異荆臺而吹玉東方朔之捧米既息長饑西門豹之墾田方慙此資

謝趙王示新詩

梁庾 信

某啓鄭叔至奉手教累紙并示新詩八體六文足驚毫翰四始六義實動性靈落詞高飄飄意遠文異水而湧泉筆非秋而垂露藏之山巖可使雲霧鬱起濟之江浦必當蛟龍繞船首夏清和聖躬怡裕琉璃

彫管鵲顧鸞迴婉轉絲沉後宮屬落下風傾首以日爲年健爲舍人實有誠願書爲王澤無由遂心寂寞荆扉踈無蘭徑驂駕來梁未期十日遲騎到鄴希垂枉道

謝滕王集序

梁庾 信

某啓伏覽制垂賜集序紫微懸映如傳闕里之書青鳥遙飛似送層城之壁若夫其泉宮裏玉樹一叢玄武關前明珠六寸不得譬此光芒方斯照燭有節有度卽是能平八風愈昌愈高始欲去天三尺殿下雄才蓋代逸氣橫雲濟北顏淵關西孔子譬其毫翰則

京蒲則連章卷之三十一

十七

風雨爭飛論其文采則魚龍百變蒲桃繞館新開碣石之宮脩竹夾池始作睢陽之苑瓊瑤汎酒鸚鵡承杯鳳穴歌聲鸞舞曲况復行雲逐雨迴電隨風湖易之尉旣成爲喜之因春陵之侯便是銷廢之地某本乏材用無多述作加以建鄴易九劣免儒術江陵百六幾從士隴至如殘編落簡並入塵埃赤軸青箱多從灰燼比年痼恙彌留光陰視息桑榆已逼蒲析方衰不無秋氣之悲實有途窮之恨是以精米昏亂頗同宋玉言辭蹇吃更甚楊雄一吟一咏其可知矣好事者不求知音者不用非有班超之志遂已棄筆

木見陸機之文久同燒硯至於凋零之後殘缺所餘
又已雜用補袍隨時覆響聖慈憐愍遂垂存錄始知
逾揚過差君子失辭比擬從橫小人迷惑刑埃抵鵲
正恐輕用重寶龍淵削玉豈不徒勞聖聽匠石迴顧
朽材變於彫梁孫易一言奔蹄成於駿馬故知假人
延譽重於連城借人羽毛榮於尺璧溟池九萬里無
踰此澤之深華山五千仞終愧斯恩之重即日金門
細管未動春灰石壁輕雷尚藏冬蟄伏願聖躬與時
納豫南陽寶雉幸足觀瞻鄴縣菊泉差能延壽伏遲
至鄴可期從梁有日同杞子之盟會必欲瞻仰風塵

袁肅創選章

卷之三

十八

共薛侯而來朝謹當逢迎冠蓋魚腸尺素鳳足數行
書此謝辭終知不盡

謝趙王賚白羅袍袴

梁庾信

某啓垂賚白羅袍袴一具程據上表空論雉頭王恭
入雪虛稱鶴氅未有懸機巧綜變躡奇文鳳不去而
恒飛花雖寒而不落披千金之暫賜棄百結之長裘
永無黃葛之嗟方見青絛之重對天山之積雪尚持
開衿冒廣廈之長風猶當揮汗白龜報主終自無忘

謝賜曆日

梁庾信

凌渠所奏弦望既符鄧平之言錙銖皆合登臺視朔
觀雲物之必書拂管驗辰識權衡之有度初開卷始
暫謂春雷未覽篇終便傷冬及徘徊厚渥比日爲年

謝嗣秀王賜玉帶

宋李劉

揚庭漢號分寶展親追琢其章璫璆簪紳之長浸潤
而澤彰彰施衮繡之光恭惟某德懋璿源望儲琳館合
宮薦瑞恪符圭邸之恭御府闡珍寧假玉人之琢萬
釘錯落六服焜煌某未能造朝猶稽走賀揚休屹立
更勤珠壁之投病骨難堪莫辦瓊瑤之報

謝益王

明黃鳳翔

袁肅創選章

卷之三

十九

賓筵日啓頻承晉接之輝玄論風生謬竊師資之益
豈惟樂善忘勢振古所稀抑亦博學多聞於今鮮儷
飲醇自醉飫德特深獨慚瓦礫之材靡效瓊瑤之報
乃厘尊使重錫多儀敬在末將永以爲好倘終徇乎
微志是自絕於賢王握管躊躇焚香拜領飲河鼯鼠
消涔之腹已充繫帛飛鴻耿耿之衷尚積端啓肅謝
瀕發神馳

謝益王酒饌

明張文介

西澗尋花偶有斗槎之泛東園載酒忽驚仙使之來
末由正席以先嘗固已醉心而飽德恩踰亟愧感切

素食茲蓋伏遇賢王殿下秀質稟至人之感德生知兼才子之多能好善忘勢近邁百王虛已惜才遠師千古如臣枯朽亦昭陽和德匪穆生均叨設醴才慚李白并荷調羹受茲眷知何殊覆載臣敢不矢心夢寐圖補消埃報恩方去雖有愧乎雲長乘輿重來永不忘乎雪夜少摘鉛刀獎帚之能用申一飯千金之義臣無任激切感戴之至

謝楚王

明黃鳳翔

楚醴賓賢不異緇衣之好采園授簡有慚作賦之才辱僅僎之駢蕃望遽廬而寵錫况承溫諭敢不拜嘉
東漢劉翬章
卷之三十一
第桐葉分封乃帝室睦親之典而駢駢將事寔使臣分義之常倘或受餽而歸則以辱命為罪是用兢惕罔敢即安謹領酒肴已淡醉飽餘容遵例返上伏祈俯賜鑒涵謹啓

謝榮王

明李國祥代

恭惟殿下蘭雲龍種冲斗麟英眉宇朗識天人凌雲颿氣綺漆文稱宗傑繡虎飛才丹起綠羅儼追西園飛蓋月輝紫苑疑望東館懸珠草聖草賢帛想書而後練飲玄飲醴室擬人而遠優某服聞雋望于扶風昔也題才辱宴清交於魯穆今乎轉運聞得悉乎具

美宴得數而深心亟瞻汝陽之色映春晏於王城之音道雅豈曰渥賜實稱忘分還職藩司俟音徽之軌遠阻途湖渚慮問訊之爰陳此後春風弱楊柳花樹如侍夜游晨食秋月澄景對光濟似在長坂圓池不昧者此心無將者彼物亟圖後稱遲報先投伏願秀原月心鏡齊明展淮桂情田並烈祚胤楚今杞梓登壽椿矣春秋

謝鄭王

明吳國倫

恭惟殿下惻忱翊國恭儉宜家德表九宗文輝四曜雖河間之樂善未足齊賢豈鄴下之摘詞遂能媲美

東漢劉翬章
卷之三十一

廿一

艱難將嘗於重耳切磋兼勵於武公編初清修誕膺光復其憾曳裾之尚晚慚授簡之非才設醴既顯絨書至再中嶽之靈孔迺南皮之感滋深無日稱觴徒懷獻獲茲覲一陽來復懸知百福是道顧勤使命瓶膏味旨於瓊蕪遠錫珍儀籠幣文工於火藻昭之則枯腸頓澤服之則弱體加溫河水盈盈私心戀戀

謝襄王元夕惠燈菓酒菜
明馮時可

伏以月殿星橋峴山起高明之界銀花玉葉襄州開韶麗之天三爵行棲九龍不暝恭惟殿下金枝明運麟趾開祥孤月西園秀心鏡而齊朗小山叢艸煥

田以並春惠徧寒門常普燭龍之照樂逢佳夕盛張
火樹之輝控紫駟以騁驂人人樓李度清管以飄搖
處處落梅其曳裾有緣應教自幸宮墻天遠誰能瓜
蓋新聲庭燎雲連何日壁分餘照方欲借虹橋於殿
角不意外鴈使於郎中燦爛雙燈侈分金羊之耀旨
甘百菓多移瓊死之珍耐新釀而色奪襄流釐初成
而味過漢脯謹將尺素用謝深恩伏願福如七采之
蓮重重爛熳壽似九微之火歲歲連綿

謝益王禮

明支大綸

伏以 益府賢王殿下瑞木分枝璇源列派博學凝

友肅則選章

卷之三

廿二

神於天祿大雅注春於甘泉魏闕懸心近邁中山之
德妹邦明命遠符康叔之賢不獨繪藻拔雲風擅八
軌雄賦亦且親賢樂善足爲千甲名駒某荆南弱質
叨從微省之介臣江右膺符仰仰宗之領袖顧守
蟻封之分末申鴈見之忱敢辱隆施遠頒寵翰拜嘉
顏甲銘載衷藏謹對使以抒忱容副旨以申謝

答豫章王

隋崔 頤

理高象繁管輅思而不解事富山海郭璞注而未詳
至於五色相宣八音繁會鳳鳴不足喻龍章吳之比
吳札之論周頌詎盡榆揚郢客之奏易春誰堪赴節
伏惟殿下稟潤天潢承輝日觀雅道貴於東平文藝
高於北海漢則馬遷蕭望晉則裴楷張華鸚鵡騰聲
鴻池播美望我清塵悠然路絕某燕南舊客河朔情
遊本無意於希顏豈有心於慕嗣未嘗聚螢映雪懸
頭刺股讀論唯取一篇披莊不過盈尺復况桑榆漸
暮黎霍屢空舉燭無成穿楊盡棄但以燕求馬首薛
養鷄鳴謬齒鴻儀虛班驥早挾泰山而起海北報德
而菲難堙亮崙以爲池匹酬恩而反易忽屬周桐錫
瑞唐水承家門有將相樹宜桃李真龍將下誰好有
名濫吹先赴何須別聽但慈旨抑揚擢上益下江海
所以稱王江陵爲之不逮曹植儻預聞高論則不墮
令名楊修若切在下風亦詎虧淳德

同榮邸冬

宋方 岳

日長宮壁已浮葭律之春天近蕃房有辨棟華之鄂
哀時之對與國同休某有事紫墀未瞻翠水忽枉五
雲之翰謙以先之又添一卷之書復其亨矣

回諸邸冬

宋方岳

倬彼魯雲必書為瑞溫其趙日可愛如春維周宗盟
自天弗祿某官土圭之正玉珩之和于嗟麟兮式時
公姓眾維魚矣哀對天休福履綏之君子樂只某明
農未遂介壽無繇節物崢嶸第驚老朽文章爾雅徒
負褒榮不敏之辭何足以謝

辭隨王

齊謝朓

某聞潢汙之水願朝宗而每竭鴛鴦蹇之乘希沃若而
中疲何則臯壤搖落對之惆悵岐路西東或以鳴悵
况乃服義徒擁歸志莫從邈若墜西轡以秋蒨某實

袁肅制選卷之三

廿四

庸流行能無弄屬天地休明山川受納褒采一介拙
揚小善故拾耒場圃奉筆充園東亂三江西浮七澤
契闊戎旃從容讌語長裾日曳後乘載脂榮立府庭
恩加顏色沐髮晞陽末測涯涘撫臆論報早誓肌膚
不悟滄溟未運波臣自蕩渤澥方春旅翻先謝清切
藩房寂寥舊華輕舟反溯吊影獨留白雲在天龍門
不見去德滋永思德滋浚唯待青江可望候歸鯉於
春渚朱邸方開效蓬心于秋實如其簪履或存衽席
無改雖復身填溝壑猶望妻子知歸攬涕告辭悲來
橫集不任犬馬之誠

辭韓府銀幣

明唐文燦

竊惟簋樽整潔既開夏屋以招延銀幣輝煌重列公
庭而錫貺施恩至渥感德良深但懷璧非匹夫之宜
若受金實使者所忌終軍建節幸畢事於出關陸賈
題裝敢效尤於入粵專賜固難輕卻矧儀斷不榮承
惟針工枕具與夫絳褐毳毳量留其半自書價帕資
至於銀壺寶騎悉返其全寸衷恐隔於王門尺牘
通乎相府伏希鑒照特允收回外附俚謳上千清
倘足助音於擊缶何庸較藝於吹竽

辭韓府送紗

明唐文燦

竊惟庸資天挺早揚淇澳之風聲祇從生馳初觀河
間之禮樂恩特優於賓旅義尤重乎主人迎勞及郊
設饗遂具顧臨就館授餐兼加適上介應於採薪未
獲趨時以從事致尊俎煩於繼粟徒縻累日而懷慙
忽荷寵頒倍增踴躍矧彼玄纁之幣殊非素淡之儀
廉慕布囊即四布猶可受也侈嫌紗帳昔雙紗豈敢
承哉迹雖涉於不恭性實拘於曲謹容候傳宣之暇
展申謁謝之私再宿少留尚擬飲厭厭之盛宴一緡
專達惟祈原懇懇之微衷

上右軍建平王

齊江淹

某乃庸人素非奇士既慙鄒魯儒生之德又謝
狹落之節徒以結髮衛次暫聞仁義常欲永
弋釣朕整而身輕重恨奉末光枉白璧之
貂之私因茲感激未能自負金縢於淮
於和楚竟不能曜丹腹騰聲絕自雲蒼
知矣不謂咸池再暉堽堽重照開高天之
施承命既驚巡走且失未聞古人為
至過一談之効齊王動色一劍之感趙王解孤心
迴樂有頌自天

齊江淹

齊江淹

齊江淹

伏惟殿下列舉椒壁飛聲冲漢爰求儒雅
前赤野之玉翦燕山之金至如某者東國之徒
方歛影避形匡坐編蓬之下遂遭
光惟恩知泰變色薰心某聞齊石既
唱檀臺已構寧俟不才之
并藻之德豈
其名書

上榮王

明徐字奇

伏以紫潯啓耀爾龍種鸞騰青路摘光冲斗麟英
秀發後星增潤前並標恭惟殿下璇派清流玉林
奇寶凌雲飄氣眉朗識天人緇虎飛不綺漆文
宗傑桐珪奕煜參差沅水淪連羽蓋輝煌掩映武山
紫翠擅詩西楚溫易惟寫性靈好禮北河清磨不營
聲譽伐木東苑畫棟飛祿羅之雲迴蓋西園珠簾引
紫苑之月比登仙千入空擬追娛于游臺洵也業崇
藩屏允矣功宣寅亮公累塵造七與聞雋望于扶風
臨竿衡文厚宴清交于傳穆是瞻汝陽之色映春爰
聆任城之音適雅觀微未不自失玄平何稱以他
長奈分參蜀西瞻蔡音徽之漸遠且捧賀冀北問關
問訊之愈難偶有親知曳輶輒爾臨寒翰曳裾者
為兗州府通判今陞貴國理正李某也才是鄒枚
度非屈賈日華宵召校簡外被罰之長需要略欲成
綴文同堪游之士秀儲通系鯉之懇竊冀屋烏之垂
四壁立相如免狼俱以游魚八尺圖東獻副腰腹以
褒嘉冒于威顏俯賜慈聽

上榮王

明徐字奇

伏以夙慶裁梧常武割方
乃社色新芳觀梓莊懷祚